

fastagjald, kr. 5.00 á mánuði af einu herbergi hvernar íbúðar og kr. 3.00 á mánuði af hverju herbergi umfram eitt. 20

3. febr.

Til herbergja í íbúð skal telja öll íveruherbergi og eldhús, en ekki ganga, baðherbergi eða geymslur. Herbergi, sem er minna en 5 m², skal telja sem hálf, en stærra en 25 m² sem tvö. Þar, sem meðalstærð herbergja í íbúð er minni en 10 m², má miða við samanlagt flatarmál þeirra, þannig að hverjir 10 m² jafngildi einu herbergi og hverjir 5 m² hálfu herbergi.

C. Vélar.

Þar, sem orkan er notuð til vélareksturs, skal hún seld:

1. Um kwst.mæli á 65 aura hver kwst. Hafi vélnar mjög stuttan notkunartíma, má krefjast minnsta árgjalds, kr. 150.00 á hvert uppsett kw. vélanna.
2. Til fiskiðnaðar, ef uppsett vélaafl fastra véla er yfir 20 kwst., um kwst.mæli á 20 aura hver kwst. Heimilt er að rjúfa strauminn í allt að 3 stundir á dag á tímum mesta álags rafveitunnar.

D. Hitun.

Um kwst.mæli á 10 aura hver kwst., enda sé þá minnsta notkun 6000 kwst. á ári. Heimilt er að rjúfa strauminn allt að 3 stundir á dag á tímum mesta álags rafveitunnar.

Önnur skilyrði fyrir raforkusölu til hitunar:

- a. Að notandi setji á sinn kostnað klukkurofa fyrir hitalögnina og kosti viðhald þeirra. Þó getur rafveitustjóri ákveðið, að rafveitan leggi til rofa og annist viðhald þeirra, og kostar þá notandinn tengingu þeirra og greiðir leigu af þeim samkvæmt reglum, er gilda um leigu mælitækja.
- b. Að vélaafl, götulínur og spennar þoli álagið að dómi rafveitustjóra.
- c. Að hitalagnir, þar með talin öll tæki, séu gerð samkvæmt fyrirmælum rafveitunnar, ofnar fastengdir með sérstökum rofum og hitastillar notaðir.

II. MÆLALEIGA

Rafveitustjóri ákveður stærð og gerð mælitækja, sem nota skal fyrir hverja veitu, og er sú ákvörðun skuldbindandi fyrir notandann, sem skal greiða leigu af mælitækjum samkvæmt eftirfarandi skrá:

1. Af einfasa mælum allt að 30 Amp.	kr. 2.00 á mánuði.
2. — þrífasa mælum 50 Amp. og minni	— 3.00 — —
3. — þrífasa mælum 50 til 200 Amp.	— 7.00 — —
4. — þrífasa mælum yfir 200 Amp.	— 10.00 — —

Af öðrum mælitækjum en þeim, sem nefnd eru í skránni, skal ársleigan vera sem næst 20% af verði mælitækjanna. Leiga af mælitækjum skal innheimt um leið og gjald fyrir raforku.

III. HEIMTAUGARGJALD

Af hverri húsveitu, sem tengd er við rafveituna, skal greiða heimtaugargjald sem hér segir:

1. Grunn gjald af hverri loftlínuheimtaug kr. 400.00
2. Grunn gjald af hverri jarðlínuheimtaug — 600.00

Auk þessa grunn gjalds skal greiða kr. 10.00 af hverju þúsundi króna af bruna-

20 bótamati húsa og mannvirkja. Í útreikningi á heimtaugargjaldi skal sleppa hálfu þúsundi eða minna af brunabótamati, en ella hækka upp í heilt þúsund.

Ef brunabótamat á húsi er gamalt, getur rafveitustjóri eða hreppsnefnd samræmt það nýju mati og miðað heimtaugargjaldið við það. Láti húseigandi meta húsið á ný, skal þó heimtaugargjaldið miðast við það mat.

Heimtaugargjald fellur í gjalddaga þegar heimtaugaruppsetningu er lokið eða þegar brunabótamat hefur verið framkvæmt.

Sé lengd jarðlínuheimtaugar meiri en 25 metrar og loftlínuheimtaugar meiri en 60 metrar og gildleiki víra meira en 3×70 mm², skal húseigandi greiða kostnað af því, sem fram yfir er.

Ef lagðar eru fleiri en ein heimtaug að sama húsi, skal greiða allan kostnað af síðari heimtaug eftir reikningi.

IV. OPNUNARGJALD

1. Hafi gjald samkvæmt gjaldskrá þessari eigi verið greitt, svo að til lokunar hafi komið fyrir veitu, skal taka gjald fyrir enduropnun, 10 krónur.
2. Ef fundin eru óleyfileg eða of stór vör við skoðun, skal veitunni lokað tafarlaust, og verður hún ekki enduropnuð, fyrr en notandinn hefur greitt 10 króna gjald á skrifstofu rafveitunnar.

Hreppsnefnd er heimilt að hækka eða lækka gjöld, sem ákveðin eru í I. kafla þessarar reglugerðar, um allt að 20%, án sérstakrar staðfestingar ráðuneytisins, enda auglýsi hreppsnefndin breytinguna í Lögbirtingablaðinu, áður en til kemur.

Gjaldskrá þessi staðfestist hér með samkvæmt vatnalögum, nr. 15 20. júní 1923, og raforkulögum, nr. 12 2. apríl 1946, til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

Jafnframt fellur úr gildi gjaldskrá fyrir rafveitu Reyðarfjarðarhrepps, nr. 11 1. marz 1932

Atvinnumálaráðuneytið, 3. febrúar 1949.

Bjarni Ásgeirsson.

Forv. K. Þorsteinsson.

21

9. febr.

AUGLÝSING

um lágmarksverð á nýjum fiski.

Samkvæmt I. kafla laga nr. 100/1948, um dýrtiðarráðstafanir vegna atvinnuveganna, er hér með ákveðið, að frá og með 1. janúar 1949 skuli lágmarksverð á nýjum fiski vera sem hér segir:

Þorskur, ýsa, langa og sandkoli:

Slægður með haus	kr. 0.65	hvert kg
Slægður og hauseður	— 0.845	— —
Óslægður	— 0.55	— —
Flattur	— 0.96	— —

Karfi og keila:

Slægður með haus	— 0.25	— —
Slægður og hauseður	— 0.36	— —